

王荊文公詩注

一
十
冊 函

王荊文公詩卷之三十六

鴈 湖 李 壁 箋註

須 溪 劉 辰翁 評點

律詩

送劉貢父赴秦州清水

貢父名放嘉祐末召為國子直講治平末趙槩

薦放可充文館作邑清水當在此前

劉郎高論坐嘯枯幕府調肺用緒餘

後漢鄭泰謂董卓曰孔公緒清談高

論嘯枯吹生。莊子語心之容命之以心之行以聊合驩以調海內注強以其道肺令合調令和也肺崔本作

肺音而和也調也筆下能當萬人敵腹中嘗記五車書

韓詩傳

文磊落

聞多望士登天祿知有名臣薦子虛

天祿閣藏典籍之所

漢宮殿疏云天祿麟閣蕭何造以藏秘書處賢才子虛見宝應進士乞詩注

且復弦歌窮塞

上祗應非晚召相如

送純甫如江南

青溪看汝始踰躑兄弟追隨各少年壯爾有行今納婦

老吾無用亦求田

撫州城下江亦名青溪詩恐指建康青溪○詩女子有行箋云行道也○純

甫娶段氏封德安縣君

初來淮北心常折却望江南眼更穿

杜詩心折

大刀頭○退之詩眼穿長訝雙魚斷

此去還知苦相憶歸時快馬亦須鞭

佛書如世良馬見鞭影而行

送郊社朱兄除郎東歸

手持官牒出神臯迎客遙知賀酒醪照映里門非白屋

欺凌春草有青袍

齊文宣王行狀神臯載稷穀下以清○古詩青袍似春草

宦游雖

晚何妨久餓顛從來不必高孝友父兄家法在想能清

白遺兒曹

漢書父宦減仲之產。揚子古者高餓顯下祿隱注孟子曰伯夷隘柳下惠不恭君子不由也然則餓顯不獨高祿隱未為下今發高下之談盖有厲乎素餐今公云不必高亦注意也

送沈康知常州

作客蘭陵迹已陳為傳謠俗記州民溝塍半廢田疇薄

厨傳相仍市井貧

梁武帝改武進為蘭陵。半廢言溝洫之政不修厨傳相仍言為守者徒

悅過客不恤民貧也

常恐勞人輕白屋忽逢佳士得朱輪

漢吾丘壽注傳

今三公有司或由窮巷起白屋裂地而封師古曰白屋以白茅覆屋。楊惲傳惲家盛時乘朱輪華轂者十人

慇懃話此還惆悵最憶荆南兩岸春

寰宇記荆溪在宜興縣南二十步漢

志云中江首受蕪湖東至陽羨入海即此溪

安豐張令修芍陂

安豐舊屬壽州今為軍芍音鵲

桐鄉振廩得周旋芍水修陂道路傳目想儻功追往事

心知為政似當年

九域志舒州有桐城縣圖經云桐城春秋時桐國也又廬江舒縣有桐鄉

公每言桐鄉非但用朱邑事亦言楚實文公十六年振廩同食魴魚鱖歸城市杭稻

紛紛載酒船楚相祠堂仍好在勝游思為子留篇

杭稻紛二

載酒船謂以稻易酒也。芍陂孫叔敖所作叔敖嘗為楚相今有祠在陂上。許渾詩海嶠獨留篇

送復之屯田赴成都

盤礴西南江與岷石犀金馬世稱神

蜀都水災乃刻石犀沉江浦。或言

益州有金馬碧雞之祥可醮祭而致又見王褒傳

桑麻接軫餘無地錦繡連城

別有春結綬相隨通籍久推車此去辟書新

謝玄暉詩既通金閨

籍張銑注云謂懸名於門乃通出入所謂禁門也。漢元帝紀得大父母兄弟通籍應劭曰籍者為二尺竹牒記其年紀名字物色懸之宮門案省相應乃得入又魏相傳霍光夫人顯及諸女皆通籍長信宮師古曰通籍謂禁門之中皆有各籍恣出入也。成公二年自始合苟有險予必下推車。阮籍上蔣濟記開府之日人人

自以為掾屬辟書始下而下走為首知君不為山川險便忘吾家叱馭人
王尊傳王尊遷益州刺史先是琅琊王陽為益州刺史行部至邛徕九折坂數曰奉先人遺跡奈何數乘此險後以病去及尊為刺史至其坂問曰此非王陽所畏道耶吏對曰是尊叱其馭曰驅之王陽為孝子王尊為忠臣

送經臣富順寺丞

富順在蜀東

故人為縣楚江邊海角猶聞政事傳萬井已安如赤子
一麾今去上青天應開醉眼醺醺下莫起歸心杜宇前
報主代親俱有地幾人忠孝似君全祖宗時有入遠法此必代其父入遠

送張卿致仕

子房籌策漢時功身退超然慕赤松餘烈尚能開後世

高材今復繼前蹤

言子房之後猶能不耽弱世榮掛冠而歸由先烈之有開也

執鞭

始負平生願操几何知此地逢竊食一方慚未艾緒言方

賴賜從容

史記假令晏子而在余雖為之執鞭所欣慕焉曲礼上謀於長者必操几杖以從之○漢

書願賜清閒之燕

送梅龍圖

名摯字公儀成都新繁人天聖五年進士及第此詩當是送作滑州時

子真家世子雲鄉風力才華豈易當回首古人多隱約

致身今日獨輝光

摯生蜀故稱子雲鄉雄仕落拓三世不徙官梅匿為市門卒故云隱約○

摯嘗為御史知雜省副待制等官仁宗嘗謂大臣曰梅摯言事有跡據此可謂輝光矣

謨明久合

分三府治劇聊湏試一方從此政成何所報百城無事

祗耕桑

漢丞相御史太尉為三府○摯至和間自天章閣待制判流內銓進龍圖閣李士知滑州後又

為杭江寧河中二郡

送李秘校南歸

四十青衫更旅人悠悠飢馬傍沙塵

言四十始青衫又為旅人久留

上國言空富却走南州食轉貧自作詩書能見志應知
時命不關身司馬遷傳夫詩書隱約者欲遂其志之異也江湖勝事從今數
肯但悲歌寂寞濱

送蕭山錢著作

蕭山縣屬越州

才高諸彥故無嫌兄弟同時舉孝廉東觀外除方墨綬

西州相見已蒼髯

漢百官表縣万户以上為令秩千石至六百石減万户為長秩五百石至

二百石秩比六百石以上皆銅印墨綬比二百石以上者皆銅印黃綬墨綬言作邑蕭山

靈胥引水

清穿市神禹分山翠入簾好去弦歌聊自慰郡人誰敢

慢陶潛

世傳伍子胥為波神故云引水韓詩胥怒浪崔嵬司馬遷傳上會稽探禹穴揚雄傳注有人從

禹穴入從蒼梧出淵明為鎮軍建威參軍謂親朋曰聊欲弦歌以為三徑之資可乎○少陵詩他時如按縣

不得慢

陶潛

送靈仙裴太傅

舒州靈仙觀太傅必食祠祿者疑太傅即裴煜也

一官留隱太常中生事蕭然信所窮有力尚期當世用

無求今見古人風

後漢周澤再為太常盡敬宗廟時人為之語曰生世不諧作太常妻疑此

借用○韓退之詩有力未免遭驅使公詩意謂裴雖有當世之志而不苟求也

還舊學皆

殘藁邂逅相看各老翁他日卜居何處好溪山還欲與

君同

送趙燮之蜀永康簿

蜀山萬里一青袍石棧天梯筆轡高多學似君寧易得

小官於此亦徒勞行追西路聊班草坐憶南州欲夢刀

他日寄聲能問我應從錦水至江臯

班草見送張甥赴青州幕注○夢刀

見奉酬聖從待制注

酬吳季野見寄

謾披陳蠹學經綸捧檄平生祇為親

韓詩豈殊蠹書蟲生死文字間○捧

檄用毛義事

聞道不先從事早課功無狀取官頻

淵明集總角聞道白

首無成○漢京房奏考功課吏之法○無狀謂無善狀也○史記故惠王之明武王之察張儀之辯甘茂事之

取十官而無罪豈堪真足青真上終欲回身寂寞濱

期

俯仰謬恩方自歉慙君將比洛陽人

公自注云時被召來詩以賈誼

見方○賈誼傳絳灌馮敬之屬短賈生曰洛陽之人年少初學

期

和平甫寄陳正叔

強行南仕莫辭勤聞說田園已曠耘

曠耘謂田園將蕪之意

縱使

一區猶有宅可能三月尚無君

揚雄傳有田一畧有宅一區世以農桑為業

且同元亮傾樽酒更與靈均續舊文

靈均所賦止有離騷經九歌天問九

章遠遊卜居漁父九七題二十五篇自宋玉景差賈誼莊忌淮南以下皆續也此道廢興吾命在世間滕口任云云柳詩滕口任頻二

送王大卿致仕歸江陵

九卿初命亞三司朝吏相傳得老師南闕便還新印綬

東舟祗載舊書詩

按漢之四闕南曰朱雀北曰元武東曰蒼龍西曰白虎然則南闕即朱雀

之闕也言王新除便致其仕還猶上還相印之還

漢庭餞客無佳句越水歸裝

有富貲回首千年見踈范共疑今事勝當時

無佳句謂二踈之去

餞者供帳東都門外以送不聞有詩富貲謂陶朱公○言王之歸舟但載書又有諸人送行詩可謂優於踈廣

范蠡輩矣○

送叔康侍御

謂孫叔康也

詔取名郎入憲臺此時方急濟時才聖聰應已虛心待

姦黨寧無側目猜白筆豈知權可畏皂囊還請上親開
齊輿服志三臺五省官皆簪白筆言糾劾不避權勢○
漢官儀九章表皆啓封其言密事得皂囊也○王禹偁
詩清朝曾貢皂囊封佇聞謹論能醫國飛報頻隨驛騎來

寄朱昌叔

清江漫漫遶城流尚憶城邊繫小舟射虎未能隨李廣
割雞空欲戲言游杜詩短衣匹馬隨李廣看射猛
虎終殘年○語割雞爲用牛刀雲霾塞路驚塵合霜入春風滿鬢愁雲以喻塵霜
以喻鬢也此日君書苦難得謾多鴻鴈起南洲

九日登東山寄昌叔

昌叔公女弟之婿

城上啼鳥破寂寥思君何處坐蒼堯

義公十八年城上有鳥○唐詩啼鳥

破幽寂坐蒼堯言登高也

應須綠酒醺黃菊何必紅裙弄紫簫落木

雲連秋水渡亂山煙入夕陽橋淵明久負東籬醉猶分
低心事折腰

到舒州次韻答辛甫

夜別江船曉解驂秋城氣象亦潭潭山從樹外青爭出

水向沙邊綠半涵

資暇錄云辛甫歸來詩江田百頃春風種山果千株夜雨涵詩語太顯不

似公下得

行問嗇夫多不記坐論公瑾少能談

朱邑少

嗇夫桐鄉屬舒周瑜字公瑾廬江舒人

祗愁地僻無賓客舊學從誰得指

南

東都賦幸見指南於吾子李善注引桓譚上便宜曰管仲桓公之指南

舒州七月十七日雨

行看野氣來方勇卧聽秋聲落竟慳淅瀝未生羅豆水

蒼茫空失皖公山

九域志舒州有羅豆鎮水當在此○輿地志皖公山謂周大夫皖伯之神

火耕又見無遺種肉食何妨有厚顏

漢武帝詔江南之地火耕水耨應劭

曰燒草下水種稻草與稻並生高七八寸因悉芟去復下水灌之草死獨稻長所謂火耕水耨

巫祝萬

端曾不救祗疑天賜雨工閑

洞庭靈姻傳吾不知子之牧羊何所用哉神祇豈宰殺乎

女曰非羊也雨工也何為雨工曰雷霆之類也穀復視之則皆矯碩擎步飲齧甚異而大小毛角則无別羊焉

次韻荅端州丁元珍

莫嗟荒僻又離羣且喜風謠嶺北聞

檀弓上子夏曰吾離羣而索居亦已

以矣注離音利此作平声用

銅柱雖然蠻徼接竹符還是漢家分

後漢

馬援討林邑蠻既至林邑又南行二千餘里有西屠夷鑄二銅柱於象林南界與西屠夷分境以紀漢德之盛其時

以不能還者數十人留於銅柱之下隋宋蕃衍至三百餘家南蠻呼為馬留人○杜詩送客州中丞莫教銅柱

北空說馬將軍○馬摠迂安南都護建二銅柱於漢故處饒著唐德以明伏波之裔○漢文二年初與郡守為

銅虎符竹使符師古曰与郡守為符者謂各分其半右留京師左以与之

春書來逐衡陽鴈

秋騎歸看隴首雲

蘇武傳天子射上林中得鴈足有係帛書言武等在其澤中

相見

會知南望苦病骸今似沈休文

梁沈約書與徐勉曰開年以來病增慮切當由

生靈有限勞役過差總此凋竭歸之暮年牽策行止努力祇事時觀傍覽尚似全人而形骸力用不相綜攝常須過自束持方可備免解衣一卧肢解不復相関

荅劉季孫

季孫字景文世家開封父平任環慶將趙元昊寇延州以孤軍來援遂力

戰罵賊而死景文以卹典得官少篤學能詩文東坡先生守錢塘曼為左藏庫副使兩浙兵馬都監先生喜其人上章薦其練達武經講習邊政除知溫州先生嘗荅書其略云公每發言如風檣陣馬迅霆激電不意於中復有祥光異彩紆餘緘膩盜盜如陽春淑艷時花美女誠不足比其容色態度此所謂不測之謂神也又跋其詩文曰劉景文有英偉氣如陳元龍之流讀此詩可想見其人以中壽卒于溫哀哉死之日家无一錢但有書三萬軸盡數百幅尔此載魯慥皇宋百家詩選竊疑東坡書中語未必全真也

偶着儒冠敢陋今自憐多負少時心

儒冠公自言也季孫武爵故云敢陋

今○秦紀俗儒好是古而非今

輕軒已任人前後揭厲安知世淺深援馬

傳居前不能令人輕居後不能令人軒與人怨不能為人患臣所耻也○詩深則厲淺則揭

挾策有

思悲慷慨負薪無力病侵淫

挾策莊子亡羊事

愧君綠綺虛投

贈更覺貧家乏報金

綠綺琴名司馬相如之琴也見梁元帝纂集古詩何以報之双南金

次韻酬王太祝

塵土波瀾不自期飄然身與願相違衰根要路身難植

病羽長年欲退飛

借公十六年六鷁退飛過宋都

高論已嗟能聽少力

行還恨賦材微慚君俊少今知我一見心如客得歸

寄吳成之

吳氏介父母家時公母魏國已亡

綠髮溪山笑語中豈知翫手兩成翁辛夷屋角搏香雪

躑躑岡頭挽醉紅想見舊山茅逕在追隨今日板輿空

板輿見慶老堂注渭陽車馬嗟何及榮祿方當與子同詩渭陽我送舅

氏曰至渭陽何以贈之路車乘黃又啜其泣矣何嗟及矣

寄曾子固

斗粟猶慙報禮輕敢嗟吾道獨難行漢有斗粟佐史小吏也報禮見上注

脫身負米將求志勗力乘田豈為名詩曰四句重用○乘田苑囿之吏也

釋文作去声高論幾為衰俗廢壯懷難值故人傾游俠公作平声用

孤於世豈荒城回首山川隔更覺秋風白髮生詩曰前卑論儕俗

一首改寄南豐如此首尾不以前作自在○前詩云漸老偏諳進上情已知吾事獨難行脫身負米將求志勗

力乘田豈為名高論頗隨衰俗廢壯懷難值故人傾相逢始欲寬愁病搔首還添白髮生

至開元僧舍上方次韻舍弟

一本作和平甫春日